



WES-KAAPSE PROVINSIALE TESOURIE WES-KAAPSE RAAD OP DOBBELARY EN WEDRENNE UITNODIGING VIR DIE BENOEMING VAN KANDIDATE VIR AANSTELLING AS LEDE VAN DIE RAAD

Ek, David Savage, Hoof van die Wes-Kaapse Provinsiale Tesourie, ingevolge regulasie 3(1) van die Wes-Kaapse Regulasies op Dobbelary en Wedrenne, 1996, rig die uitnodiging om benoemings van kandidate vir aanstelling as lede van die Wes-Kaapse Raad op Dobbelary en Wedrenne (die Raad).

- Die Raad is 'n onafhanklike statutêre liggaam wat ingevolge die Wes-Kaapse Wet op Dobbelary en Wedrenne, 1996 (Wet 4 van 1996) (die Wet), daargestel is, en die hoofdoel van die Raad is om alle dobbelary-, wedren- en aktiwiteite wat daarmee in verband staan in die provinsie Wes-Kaap (die Provinsie) te beheer.
- Werksaamhede van die Raad sluit in om aansoeke om lisensies te oorweeg en af te handel, om alle tersaaklike belastings, heffings, belastingregte, gelde en boetes in te vorder en om voortdurend navorsing oor dobbelary en wedrenne te doen.
- Die verantwoordelikhede van Raadslede sluit in die bywoning van maandelikse vergaderings van die Raad, die uitvoering van perseelbesoeke, die onderneem van beoordelings en deelname aan die aktiwiteite van komitees waarin hulle aangestel is.
- Ingevolge artikel 4 van die Wet moet 'n persoon, ten einde bevoeg te wees vir aanstelling as 'n lid van die Raad—
 - 'n natuurlike persoon wees;
 - die ouderdom van vyf-en-twintig jaar bereik het;
 - 'n burger van die Republiek van Suid-Afrika (die Republiek) en normaalweg in die Provinsie woonagtig wees;
 - 'n geskikte en gepaste persoon wees wie se karakter, integriteit, eerlikheid, vorige gedrag, respek vir die oppergesag van die reg, reputasie, gewoontes en verbintenisse nie 'n bedreiging inhou vir die gesondheid, veiligheid, morele waardes, goeie orde en algemene welstand van die inwoners van die Provinsie en vir die bepalings en beleid van die Wet nie;
 - goeie kredietwaardigheid hê; en
 - nie kragtens artikel 5 van die Wet gediskwalifiseer wees nie.
- Ingevolge artikel 5 van die Wet, word die volgende persone daarvan gediskwalifiseer om as 'n lid van die Raad aangestel te word:
 - enigeen wat te eniger tyd skuldig bevind is aan 'n misdryf ingevolge die Wet of enige dergelike wet;
 - enigeen wat te eniger tyd, hetsy in die Republiek of elders, skuldig bevind is aan diefstal, bedrog, die vervalsing van 'n dokument, die in omloop bring van 'n vervalste dokument, meened of enige misdryf kragtens die Korrupsiewet, 1992 (Wet 94 van 1992), of enige misdryf waarvan oneerlikheid 'n element is;
 - 'n ongerehabiliteerde insolvent of enigeen wat onderworpe is aan enige handelingsonbevoegdheid;
 - enigeen wat te eniger tyd uit 'n vertrouensposisie ontslaan is op grond van wangedrag of oneerlikheid;
 - enige politieke ampsdraer; en
 - enigeen wat, hetsy persoonlik of deur sy of haar gade, familielid, vennoot of deelgenoot—
 - 'n regstreekse of onregstreekse finansiële belang in enige dobbelarybesigheid of bedryf het of verkry; of
 - enige belang het in enige besigheid of onderneming wat strydig kan wees met of inbreuk kan maak op die behoorlike verrigting van sy of haar pligte as 'n lid van die Raad, of op enige lisensie kragtens die Wet uitgereik.
- 'n Lid van die Raad moet oor toepaslike kennis of ondervinding beskik, insluitende in enige van die volgende gebiede: maatskaplike of gemeenskapswelsyn, finansies, ekonomie, rekeningkunde, ouditering, regte of besigheid.
- 'n Lid van die Raad word op deelytdse grondslag aangestel en beklee die amp vir die tydperk, wat hoogstens vier jaar is, wat die Provinsiale Kabinet ten tyde van sy of haar aanstelling kan bepaal, en is herverkiesbaar by afloop van sy of haar ampstermyn.
- Kwalifiserende benoemings moet voor of om **16:00 op 31 Augustus 2023** skriftelik ingedien word deur—
 - dit te pos aan:
Die Rekenpligtige Beampte
Provinsiale Tesourie
Privaat Sak X9165
Kaapstad 8000;
 - dit te e-pos aan:
malcolm.booyesen@westerncape.gov.za;
 - dit te faks aan:
Faks no 021 483 3386; of
 - dit af te lewer by:
Die Rekenpligtige Beampte: Provinsiale Tesourie
3de Vloer, Kamer W3-07
Provinsiale Wetgewer-gebou
Waalstraat 15
Kaapstad,
en dit vir die aandag van Mnr Malcolm Booyesen te maak.
- Benoeemings moet die naam, adres, telefoonnommer en die *curriculum vitae* van die benoemde insluit.
- Die Raad beoog om verteenwoordigendheid onder van sy lede te verwerklik, en voorkeur sal daarom aan aangewese groepe, veral vroulike kandidate en mense met gestremdhede, gegee word.
- Navrae kan gerig word aan Mnr Malcolm Booyesen, tel 021 483 3386.

Geteken te Kaapstad op hierdie 28ste dag van Julie 2023.